



Terenga 6: Hōtaka 49 - He kīanga mō te wā

He Mihi

E te ikapahitanga o Tōngakengake, o Manawa-kai-roke, tēnā tātou kua kerepinepine mai anō ki raro i te tāwharau o tēnei kaupapa.

Hei Mahi Whakarongo

Ko te kapa haka o Te Wharekura o Rākaumangamanga te kaituku i te kaupapa mō te mahi whakarongo i te rangi nei. Anei ngā pātai hei whakautu mā koutou:

- 1) E kōrero ana rātou ki a wai?
- 2) Nōnahea i urutomokia ai ngā whenua?
- 3) He aha te whāinga?


Kia mātaki ake tātou i te tū a Te Wharekura o Rākaumangamanga i ngā whakataetae ā-motu mā ngā Kura Tuarua, o te tau rua mano, tekau mā whā.

He Whakamārama

Tirohia ēnei kīanga mō te wā me ngā punua whakamārama i te taha

Kīanga	Whakamārama
1. I puta te kōrero i a au i raurangi rā .	i tētehi rā kāore e āta maumaharatia ana
2. Hei te tau tītoki tātou kite anō ai i a tātou.	hei tētehi wā e heke mai ana
3. Ka whanga mātou, ā, nāwai rā ka puta te pahi.	ka taka te wā
4. Ka rite mai i tōna anō wā .	i te wā e rite ana
5. Me noho mai mō 'tahi wā .	mō tētahi wā
6. Tāria te wā ...	me tatari ki te wā
7. Kuuua aua atu te wā!	kua roa te wā

He Mahi Ī-papa



Whakamāoritia ngā kīanga wā.

Hei Mahi

Whakakīa ia āputa ki te kīanga wā e tika ana:

1. Ko te painga atu mena ka noho tāua ki te kōrero _____.
2. Hei āhea koe hoki mai anō ai? _____.
3. I hoatu au i te mea rā ki koe _____.
4. Ki te whakapakari koe i tō tinana _____ ka heke te mōmona.

Whakautu:

Mahi Īpapa: Hei tōna wā...

Hei Mahi:

1. mō 'tahi wā.
2. Hei te tau tītoki. / Hei raurangi. / Tāria te wā.
3. i raurangi
4. nāwai rā